

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO – TUŽITELJSTVO
ZENIČKO - DOBOJSKOG KANTONA
Z E N I C A
Broj: T04 0 KT 0063006 25
Zenica, 04.04.2025. godine

PRITVOR!

OPĆINSKOM SUDU U ZENICI
- Sudiji za prethodno saslušanje -

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku F BiH, *p o d i ž e m*

O P T U Ź N I C U

Protiv,

M. M., osuđivan presudom Općinskog suda u Zenici broj ... od 03.01.2024. godine zbog krivičnog djela iz člana 239. stav 3. KZ F BiH na kaznu zatvora u trajanju od šest mjeseci, uslovno dvije godine i presudom Općinskog suda u Zenici broj ... od 03.04.2024. godine zbog krivičnog djela iz člana 239. stav 3. KZ F BiH na kaznu zatvora u trajanju od dvije godine, uslovno pet godina,

što je,

dana 13.03.2025. godine, u Z., suprotno odredbama člana 4. stav 1., 2., 3., i 4. i člana 20. Zakona o sprečavanju i suzbijanju zloupotrebe opojnih droga BiH, iako je bio svjestan i znao da je držanje opojne droge radi prodaje zakonom zabranjeno, to je i htio, pa je neovlašteno radi prodaje držao jednu pvc providnu vrećicu sa sadržajem bijele, mokre, amorfne materije ukupne bruto težine 68,455 grama, za koju materiju je vještačenjem utvrđeno da sadrži psihoaktivnu komponentu amfetamin poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koju drogu je dobrovoljno predao policijskim službenicima prilikom zaustavljanja i kontrole u ulici M., o čemu mu je izdata potvrda o privremenom oduzimanju predmeta,

čime je počinio krivično djelo neovlašćena proizvodnja i stavljanje u promet opojnih droga iz člana 238. stav 1. KZ F BiH.